



THE DAYBREAK

"Wankantanhan Anpao kin hiyouhipi."—Luke 1. 78.

VOL. XXIV

FOREST CITY, SO. DAK., SEPTEMBER, 1908

NO. 2

ANPAO - KIN:

REV. E. ASHLEY, - - - Editor

Anpao wotanin wowapi kin wi iyohina, wiyawapi anpetu tokaheya eca wowapi tokšu kin ogna yewicakiciyapi ece Wi akenom (one year) on kašpapi yamni kajujupi kta.

Wi šakpe kin kašpapi wanji sam okise.

Ieupi šni itokab kdajujupi kta.

Wowapi askabyapi maša ana wanji qaiš nonpa owapi kin, mazaska cekiya. ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Cheyenne Agency, S. D.

Yawaxteya Cajejyapi Wotapi Wan.

ANPAO KIN icikoyagunyanpi qa wicoran wašte econ iyounpaštakapi kta wookihi yuha. Okodakiciye-wakan opapi tka abebeya tipi kin, hena iyotan otakiye wašte heca kta. Bišop waun kin eciyatanhan, taku ecamon onšpašpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotanin fawa toktokeca ed kagapi kta. Oyate unkitawapi kin owasin Anpao kin ieupi qa sanm wicaša tokeca wicakupi nin ecanmi.

W. H. HARE,
Yewicašipi Bishop

OKOLAKICIYE WOTANIN.

Tokata Oct. 14 etanhan wiyawapi 18 behanyan, Milwaukee, Wis. ekta St. Andrew Sankakiciyapi kin ataya omniciye econpi kta. Eya wanna yaotaninpi eciyatanhan Koškala omniciye kin he tona opapi kin, na caje wicayuhapi kin, iyohila wowapi wicakupi na onahonwicayapi. Hekta Conkicakse el Provincial Chapter mniciyapa qon omniciye kin le ekta yapi kta e koškalka yamni wicakalnigapi. Hececa eša Chapter iyohila heconpi wašte na on yapi kte cin owicakiyapi wašte. Lehanl kiyela se mniciyapi kte cin on St. Andrew wicaša ota yapi wašte, Nakun wicakalnigapi šni eša tuwe cin kin el ya na wanahon yanka okihi.

Lecala se Saglaša makoce kin ekta Makaowancaya Ska un kin etanhan Yewicašipi omniciye econpi, Bishop, Presbyter, na ikeeya

unpi mniciya yankapi. Ieunhan wopila wošnapi wan Wakantanka wakiyušnapi na he mazaska 1.666.-040 henakeca se keyapi. Tokata iyokihe omniciye heca econpi kta wašte iyukeanpi nahan miniwanea ohuta itahena. United States icokata econpi kta iwokiciglakapi tka nahalcin yuštampi šni.

New York obašpe etanhan Bishop tawapi-Bishop eciyapi-he te. Bishop kin he lila yuonihanpi heca. Bisl.op kin he na unkitawapi kin hokšila unpi kin echantanhan kolakiciyapi lica.

Bishop Brent Philippine wita etanhan, Washington obaspe el yuhapi kta e nonpa akigle kalni-gapi qon he Washington ekta hi na toketu kinhan awiyukean na obakab okihi kte šni eyapi.

Oglalata Wazihanska toawan-yake cin wanna Wošnakaga teca hel iyotanka, he Rev. Neville Joyner eciyapi.

Mr. Cleyeland wiyohipeyata wayazanke, tawicu nakun, he kitanna tanyan un, tawicu kin tehan wayazanke tka wanna owaheca aya ca he wopila. Nahan Mrs. Clark, Sicangu tawicu kin wanihantanhan wayazanka tka lehan kitanna tanyan un, na sam itanyan kta ca ble wan tuktel ikayela cinca om yanke iwasayin kta iteka. Akisni na tiyata gli canna wowiyuškin heca kte.

Koškalka tona Hamton, Va. ekta wayapi qon, Rev. J. J. Gravatt kiksuyapi naceca. Yunkan lecala woyuonihan eciyantanh wocajeyate qupi, Doctor of Divinity. Hecel tuwa wowapi kicage kte cinhan wanna Rev. J. J. Gravatt, D. D. ojuha el kagapi kta iyecetu.

Rev. Mr. Edson, tuwa Huron otowwe el un qon, na Conkicakse el Convocation econpi qonhan el hi na wanlakapi kin, he wanna Porto Rico ekta Yewicašipi heca iyaye.

Alaska makoce ekta Bishop Rowe el awanyake cin wakpala ognagna omani sa, heon wanihan wata napobyapi wan heca yuha

kte ca tanyan iyaza omani kte cin on wamaayanpi na wanna yuštampi.

Cambridge, Mass, ekta wicaša wakan Owayawa wan glepi etanhan waonspekiye okinihan na ksapa heca lecala te, he Professor Allen eciyapi.

St. Luke's Station,
Cut Meat, S. D.

Anpao kin:

Ito ake lehanl obinniyan Christian yaunpi taku wanji etan onamayašonpi wacin, Okini niyepi ekta nakun hececa wanjigji yugin kta epea. Miglatan heca šni, nainš wowahaničilapi ognaye šni, tka okolakiciye etan titokanl gli eyapi, nainš titokani ki eyapi wicoie kin he lapi Oaye eciyapi wan wayuotanin can ojula se owapi wanblake sa na he awiyukean waun na lehanl wanna awableze salececa. Eya okolakiciye obe ota yuke cin hena blašice šni, nainš wacešunwagla šni tka lececu. Homakšila echantan Ska un okolakiciye opeya imacage na tokel owakihi wašewalake cin on iyuškinyan el waun na he el mišiconza qon sutaya glus wacanmi na ognayan waun ktešcin. Eya tokel wokonze kin hena wašagwala šni eša tokša Wakan-tanka tokel okihipica ogna yemakiyin na tona bluba kte cin hena yubamakiyin kta ca wakila, hecel wašagmayin kta he slolwakiye; heon hecel on taku imayutan kte cin mitokab un eša hena iyotan blawa šni. Ho ito lecel wiunyu-keanpi qeš ecanmi na le wowiyukean kin lilašci iblukcan sa. Wicaša nainš winyan tuwe eyaš, inš iyukean unpi na tuktel ičiconzapi, hena sutaya gluzapi nin ecanmi. Wicaša wan nape šice, nainš išta šica, hecinhan na heon tokanl wicota el un kta eca akalipekitonpi, nainš nakilima on iye tancan kin hanke eša cante iyokišice, nainš waštekilasni, nainš išteca on hankeya wicota el yekapin; ho le iyecel econqonpi walake. Tona Ska un etan tokanl iyapapi epin kte šni, tka tokiya omniciye wanji ekta opapi na echantan ob un tka qon, taku econpi kin hena wicayašil unpi naceca, yunkan le iyukeanpi kin ehankegon hetan hecamon qon Christ okolakiciye el opemayanpi kta wicawala na he tancan el ikoyagmanyapi, na hetan kici tan-

can wanjila se waun kta keyapi qon, lehanl ipaweli ecamon, nainš tokata hecamon kte qon ehankegon tanyan ecamon kte šni, unkeyapi wašteke. Ho heon hepe hecel econqonpi na tanyan econqonpi unkičipin eša he woaštani ye lo, mitakuyepi. Ho le waniyetu kin omniciye nom mayutitanpi na he lececu. Šina Sapa etan Wawokiya waun kta makuwapi, wi wanji can Ten (\$10.00) Dollars maqupi kta eyapi, ca Ska un el owapana heon ake hecel ecamon kte šni epe. Ake ogleptecela kin makuwapi, ake June 4th. 1908 el Hunkayapi waun kta na tanyan wiši tanka maqupi kta eyapi, ca ake ecel epa. Ho misunka tona wašakapi šni qon iyokise eyaye ogleptecela el. Ho yunkan lececu, ehanna St. Luke's el Wawokiya hemaca na tohanyan owakihi hecel waškan, na lehanl ikeeya waun na heon wawacin iwošake sece lo hecanni-pi nacece lo, tka asniwakiya kecanmi. Ho lehanl ake pa yuwan-kanl iwacu hecel wibluškin. Ho henala epin kta. Anpao kolaye cin oyasin mitawacin on napeciyuzapi. Nisunkapi wanji onšike miye.

William Eagle Thunder.

Wakpipakšan etanhan.

Anpao kin:

Mitakuye aškatudau woiyokišica wanji tanka awakipa qa he miyecidaotanin kta wacin. Hekta May 4 1908 en micinca hokšidan wan waniyetu 9 hehan makiše, qa ake May 6 1908 hehan ake hokšidan wan waniyetu 11 makiše. Ho mitakuyepi denaos anpetu wanjidan en Tipi wakan qa wanagi makoce en wicahdobde, qa ake May 21 1908 ake wiciyanna wan makiše. Ho dena woiyokišica awakipa eša he etanhan togge mitawacin šni, tuka ee Wakantanka cewakiye. Qa hehan micinca hokšidan sakim wocekiye waštedapi, qa Itancan tawocekiye kin sakim wayupikapi qa waštedakapi. Unkan Jesus maka akan hi kin he ehan wicoie wan owicakiyaka qa heya. "Tona dececapi kin Wakantanka tokiconze kin eepi ce" eya. Ho mitakuyepi dena decen waawakipa kin on nina tawacin mahunke šni eša Wowapi wakan en toie wan hecen eya, Wakantanka oie kin ipatan nawajin, eye cin he weksuya, qa hehan nakun decen awabdezi, Heb. 12. 5, 6, 7, na 8. Ho mitakuyepi hehanyedan ociciyaki kte. Owasin napeciyuzapi.

H. H. Taylor.

THE DAYBREAK.

Rev. E. ASHLEY::: : EDITOR

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotaniin-wašte Ayapi On Wocekiye.

Anpetu iyohi wicokaya he cin chan heyapi kta:

Wanikiya wašte isto wacantkiye nita-wa glugal, canicipawega akan otkeyahan yann tka qon, maka akan wicaša unpi kin owasin Niye ekta etonwanpi qa niwicyapi nunwe. AMEN.

WAKANTANKA Iyotan wašake cin, Woksapi ed Itancan kin, Woksapi Nitawa kin ed Itanipi kin nakun sanpa yewicayaši kta e onšiciya iccuniciyapi: hecel Waawanglake wicaka na wacinyepica heca iyenakecapi kin on Okolakiciye-wakan nitawa kin iyuškin kta, na Nitokiconze wašte oicago tawa kin yutanapi kta; Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate liyeye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiyakin kta e Nicinea wašte uyaši qon; wicaša oyasin onilepi na iyenianpi nunwe. Oyate kin optaye nitawa kin opewicaya ye, na Ikcewicasa kin wokiconze nitawa ekta awicagli ye. Tona wicayeco kin ecela wicaluocetu, na nitokiconze kin kohanna uyakiyin kta iccuniciyapi; Jesus Christ Itancanunyanpi kin hee eciyatanhan. AMEN.

O ITANCAN, tona nunipi kin hena awicayakite ca niwicayayin kta e yahi kin, na mahpiya ekta na maka akan wowaške-ataya nienpi kin, tona econwicayaši kin eciyatanhan, wicaša ototiyohi Wotaniin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iccuniciyapi. Taku wokokipe el ipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan; mukosica on wicete cin etanhan; šicaya wicakuwa toohitika kin etanhan; wocetungla na inahnipi etanhan; wowašiniboške na owolutaton kin etanhan; na oiyokpaza itancan iciconza-pi kin owasin etanhan ewicayaku ye. Na wojapi na miniakaštanpi kin ienhan walcaliye cin, Niye, O ITANCAN, uwicaki-ciya ye, Ikcewicasa wicota hein omnawicaya ye, Christian tamakocepi kin ekta tona wowanikiye hinko tanka aktapi šni kin hena wicayuhomni ye, hecel, O Maka Wanikiya waonšila kin, Nicafe yatanpi kta na Nitokiconze u kta: Niye, Ateyapi kin na Woniya Wakan kin ob woyuonihan na wowitan luha, nunwe, maka owihanke wanin. AMEN.

Wotapi šni Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan, Wiconi Aguyapi ni un kin Mahpiya eciyatanhan hi kin he olepi na iyeyapi kta e iccuniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

OKOLAKICIYE WAKAN KIN ON WIWICAWANGAPI WAN.

Woonspe Iwikcemna-Onšpa Inonpa.

Wowicada Toktokeca qa Oškiškapi

W. Okolakiciye Wakan etanhan tokel unkiyapi he.

A. Okolakiciye Wakan woyasu on heyab iyayeunyanpi qa waunškiškapi na wicoban wakan unka-yušanpi kin hena on.

W. Okolakiciye Wakan woyasu on heyab iyewicaye cin he taku he.

A. Okolakiciye Wakan tawico-lhan kin etanhan iyowaja šni unkağapi kin he.

W. Wicaša tona heyab iyewicaye cin ake opewicayepica he.

A. Ilo; woahtani tawapi kin on awicakehan iyopeciayapi, na woiyopeciye kin he wakanyan nipi kin on yuwicakapi kinhan.

W. Okolakiciye yuškiškapi kin he taku he.

A. Okolakiciye Wakan etanhan iglušpapi kin he heca.

W. Wowicada tokeca kağapi kin he token kapi he.

A. Okolakiciye Wakan tawo-nspe, tawowicada ikipajin kta wowicada yuhapi kin hee.

W. Okolakiciye Wakan ayu-šanpi he taku he.

A. Christ tawoonspe ataya elpeyapi kin hee.

W. Christ taokolakiciye etanhan iglušapi na omniciye ičicağapi kin tokel ewicakiyapi he.

A. Okolakiciye yuškiškapi ewicakiyapi.

W. Leon tokel St. Paul eya he.

A. Wicatancan kin (Christ okolakiciye kin ee) el yuoblecapi wanice kta.

W. Tona okolakiciye el oškiške kağapi kin on tokel St. Paul eya he. Rom. 16:17

A. "Mihunkawanji ceciciyapi ee, tona woonspe onspeniçiyapi qon eciyatanhan šni yuoblecapi na walhaniwicayapi kin hena iwanwicayakapi, na nawicakiciya po."

W. Corinthos oyate kin le on tokel ewicakiya he. 1 Corinthos 1:10

A. "Oyasin okiwanjila oie yetonpi, na yuoblecapi wanin yaunpi kta."

W. Leon tokel Judas Wahošiye Wakan kin eya he.

A. "Anpetu ihankeya kin el wicaša wawihapi kin yu kin kta Iglutokanpi kin lena eepi, witan-tanpi, na Woniya kin yuhapi šni."

W. Hece Okolakiciye kin yuškiškapi, yuoblecapi na iglutokanpi kinhan he woahtani he.

A. Ho, woškiške woahtani ee.

W. Lena econpi kin on tokel St. Paul eya he.

A. "Tona hececapi kin Jesus

Christ Itancan unkiyapi kin wowlagwicaye šni." Rom. 16:18

W. Wanikiya tokel cekiya he.

A. Waonspekiya tawa kin "oyasin wanjipila kta Atkuku kin kici un kin iyececa.

W. Wowicada toktokeca kağapi kin on tokel St. Peter (Inyan) eya he.

A. "Niyepi kin ognawaonspekiya itonpi šni kin heca yu kin kta nalimana wognuni woihangye kin el aupi, Itancan opewicakicaton qon he elpeyapi kta. 2 Peter, Inyan 2:1

W. Wowicada toktokeca kağapi kin tokel ecawicakiconpi kta, St. Paul keya he.

A. "Wicaša waakinica un kin he wancala na inonpa iyopeciayapi kin, ihakabya heyata iyeya wo." Titus 3:10

W. Kora, Dathan na Abiram wayaškiškapi kin on tokel kakišwicaya he.

A. Maka kin i glukawa na nawicapea.

Woonspe lakewanji.

Okolakiciye Wakan Oitancanpi Kin

W. Christian Okolakiciye kin he tuwe kağa he.

A. Itancan Jesus Christ he kağa.

W. Jesus kini ohakab na wankaliyaye šni anpetu wikcemna topa kin icunhan taku econ he.

A. (Ohan. 1:4.) Wahošiye tona wicakalniğe cin wawicaši na Wakantanka tokiconze (Okolakiciye Wakan tawa ee) taku tawa cajeglata.

W. Jesus wankal kigle šni ecel taokiyewicaye cin tokel econwicasi he. Matt. 28:20.

A. Oyate oyasin Baptisma wicayupi kta na taku tona econwicasi kin oyasin yuhapi kta e onspewicakiye wicaši.

W. Okolakiciye Wakan on Itancanpi kta e Jesus tuwe tokaheya kalniğa he.

A. Wahošiye Wakan akenonpapi kin, hena wicayuwakan na maka owancaya el Okolakiciye Tawa kağapi na oyate wahokonwicakiyapi kta he yewicasi qon.

W. Christ tokel wahowicaya he. Matt. 28:20.

A. "Iho, anpetu oyasin cicipi waun, maka owihanke kin hehanyan."

W. Wahošiye tehan nipi šni hecel woiwahoye kin le etanhan taku unkiyucanpi kta iyececa he.

A. Tona wicahakal unpi kte cin, maka ihanke kin hehanyan woiwahoye kin he iyowajapi he unkiyucanpi.

W. Okolakiciye Wakan kin he maka ihanke kin hehanyan yin kte cin on etanhan toketa he.

A. Hehanyan oitancan owecihan unpi kta hececa.

W. Wowapi Wakan el Wahošiye akenonpa cajeyate cin, nakun tokeca cajewicayata he.

A. Ilo, Matthias, Judas tohe yuhin kta kalniğapi qon he.

W. Nakun tuwe wahošiye kta kicopi he.

A. Palos, Wakantanka tawacin kin eciyatanhan Wahošiye kin heca e kalniğapi. 1 Korinthos 1:1.

W. Nakun tuwe. Ohan. 13:1.

A. Barnabas.

W. Lenios tuktel Wahošiye cajeyatapi he.

A. "He Wahošiye kin, Barnabas Palos kici, nahoupi qehan wokoyake aiglupotapi." Ohan. 14:14.

W. 1 Thess. 1:1. qa 2:9, el Wahošiye hecapi tuwepi cajeyatapi he.

A. "Palos, Siluanos na Timotheos."

W. Philippi ekta Okolakiciye wakan el tuwe wahošiye heca un he. Philippi 2:25.

A. "Epaphroditus, tuwe u yašipi," he Hellenes iapi el Apostle, Wahošiye he kapi.

W. Theodoret, Cypress el Bishop un qon na omaka opawinge izaptan icunhan, Epaphroditus on tokel eya he.

A. "Philippi oyate kin el Epaphroditus Wahošiye kalniğapi, Episcopal wicoban aupi, Bishop tawapi kin he iye. Lakus lehan tona Bishop ewicankiyapi kin ehanna Apostoloi, Wahošiye cajewicayatapi qon.

W. Andronikus na Junia henios on tokel eyapi he. Rom. 16:7.

A. Andronikus Junia kici mitakuye, wahošiye kin owicapeya yuonihanpi kin hena nape wicayaza po."

W. Oogle wakan kin lena taku yuwicakapi he.

A. Wahošiye wicoban kin he, akenonpapi qon isnala unpi kta, wanjiksi eyapi kin he ognaye šni; tuka wicoban kin he owecihan yin kta na yuotapi kta, tokel Okolakiciye tanka icage cin iyecel, maka ihanke kin hehanyan he yuwicakapi ee.

Woonspe lakenonpa.

Wicaša Wakan Obe Yamni.

W. Okolakiciye Wakan kin he awanyakapi qa oitancan tawa kalniğapi kta wankantanhan wookihi wicayupi kin hena tuwepi he.

A. Wahošiye Wakan akenonpa kin hena eepi.

W. Jesus kini ohakab wahošiye tawa kin tokel ewicakiye he.

A. "Mahpiya ekta na maka akal wowaške ocoyasin maqupi." "Ate umaši he iyecel miš yecisipi."

W. Wotaniin wašte oyakapi kta nakun tuwe Jesus wicakalniğa he.

A. Unkan Itancan kin toktokeca wikcemna šakowin wicakalniğa na wotaniin wašte oyagwicasi. Luke 10:1.

W. Hece hena on wicaša wakan obe kin el obe tonakeca he.

A. Obe yamni;—Jesus Okola-

kiciye Wakan pa kin; Wahošiyē Wakan kin, obe inonpa kin, na wikcemna šakowinpi, obe iyamni kin hee.

W. Tobinni Wahošiyē kin hena wankantanhan wookihi kin he icupi he.

A. Pentecost anpetu qon Woniya Wakan awicahinhe eiqon he chan.

W. Jesus wankan kigle cin ohakab taku tokaheya econpi he.

A. Judas wahitani qon on tohe yuhe kta he Matthias kañigapi na yuwakanpi kin ee.

W. Nakun taku wanji iyececa se econpi he.

A. Diakon šakowin wicakañigapi. Ohan. 6:9, 6.

W. Heceel lena on obe tonakecapi he.

A. Yamni. Wahošiyē Wakan kin hena tokahanpi, Christ wankan iyaye cin ohakam obe tokaheya kin eepi; Waonspekiya wikcemna šakowinpi, obe inonpa eepi; qa Diakon šakowin kin, obe iyamni eepi.

W. Wahošiyēpi kin nakun taku econpi he.

A. Otonwe iyohi en Presbyter (Hunkayapi) kañigapi.

W. Obe iyamni kin on token St. Paul eya he.

A. Unkan Okolakiciye kin el Wakantanka kakelkel ewicagle, tokaheya wahošiyēpi (yewicašipi) kin hena, na iyokihe Wokeanpi, qa iciyamni kin waonspekiyapi. 1 Korinth 12:25.

W. St. Paul Philippi oyate wowapi wicakieage cin wicowoyake tokaheya na oegle tokaheya el obe yamni kin wicaka he.

A. Ho. "Palos na Timotheos (Wahošiyēpi heca) Philippi ekta Jesus Christ el owotanla un kin hena, na Bishop, Episcopos (waawanbdake) cin hena, Diakon (ookiye) unpi ko.

W. Wahošiyē ni unpi icunhan obe yamni kin hena tokel caje yuhapi he.

A. Obe tokaheya kin he Apostles (Wahošiyē) ewicakiyapi, obe inonpa kin he Bishop (Episcopos) Presbyter qaiš Elder (Hunkayapi) ewicakiyapi na obe iyamni Diakon (ookiye) ewicakiyapi.

W. Wahošiyēpi kin tapi ohakab toketu he.

A. Tona Wahošiyē tohepi yuhapi kin hena Bishop caje kin icupi na hetanhan wicacaje kin le, tokel itokab obe inonpa caje wanji on cajewicayatapi qon icinonpa on cajewicayatapi šni ee.

W. Leon Theodoret, Cyprus el Bishop un qon tokel eya he.

A. Lecen eya, "Onhanketa to na Apostles (Wahošiyēpi) tawicohān yuhapi kin hena Apostles wicacaje kin he tona tokañ hecapi kin he caje gluhapi kta, na tuwe tawicohān yuhapi kin hena Bishop ewicakiyapi."

W. Heceel Wahošiyē tapi iyohakab obe yamni kin he tokel ewicakiyapi he.

A. 1. Bishop, 2. Presbyter, na iš Priests, na 3. Diakon.

W. Ignatius, St. John onspekiye na Antioch el Bishop un qon tokel eya he

A. He iyecel oyasin, Diakon kin, na Presbyter kin na Bishop kin hena Ateyapi iyecelya wicayunihanpi nanwe; lena wanice cinhan Okolakiciye wanice, eya.

WOWAPI WAKAN ETANHAN, WOWAHOKICIYE TECA ON WOYAKAPI KIN.

Rev. J. Flockhart, owa.

Bethlehem otonwe Juda makoce kin ed, omaka B. C. 4 Jesus tonpi. Hed Mary cinhintku tokapa kin ton. He Woniya Wakan eciyatanhan icaga. He ehan wiyohiyanpatanhan wicaša ksapa Bethlehem otonwe kin ed hipi, qa hokšicopa wakan kin ohodapi. Nazareth otonwe Galilee makoce kin ed Jesus hunku kici un. Jesus waniyetu akenonpa ihuhni qon, hehan Woacakšin wotapi kin on Jerusalem ekta hi. He ehan Okodakiciye wakan, Juda oyate tawapi kin, Jesus ecen opa.

1. *Małpiya wokiconze kin Wowahokiciye Teca kin ed yutaninpi.*

Tokaheya Wokiconze eyanpaba kin omaka A.D. 27 he chan u. Unkan anpetu kin hena ed John Baptisma wicaqu ece kin he Juda tamakoce ed hewoskan ekta woyaka hi qa heya, Ikduecetu po, małpiya wokiconze kin wanna kiyena u ce. Wicaho hewoskan ed hotanin, Itancan tacanku kin wiyeya eknaka po, ocanku tawa kin owotanna kicaga po.

2. *Wokiconze Wicašayatapi tawa kin yutaninpi.*

John eya, Wanji nayajinpi kin cokaya najin, he iye Woniya Wakan on Baptisma wicaqu kta. Unkan Jesus Baptisma qupi qehan ecabankeya mini kin etanhan itawankankde kda; unkan iho małpiya ayuzannipi, qa Wakantanka Taniya kin wakiyena kañiya kunkiya u, qa ed hiyahan wanyaka. Unkan iho, małpiya eciyatanhan wicaho wan heya, Micinkši wašewakidake cin hedee, on iyomakipi ee.

3. *Wokiconze woope kin.*

Paha wan akan wahokonwicakiye qehan de Jesus eya. Tona cante mahed onšicidapi kin; tona ceyapi kin; tona onšilanpi kin; tona wcowotanna on wotektekda-pi kin; tona waonsidapi kin; tona cante ed ecepina kin; tona wookiye kagapi kin; tona woowotanna econpi kin on šicaya wicakuwapi kin, hena wicayawašepi.

4. *Wokiconze wiyacinpi kin.*

Wiyacinpi on taku ota owicakiyaka. Wicaša woju wiyacinpi kin. Aguyapi su ojupi ekna wayabota kin. Małpiya wokiconze kin sinape šu wan iyececa. Małpiya wokiconze kin winapoliyē on napoliyapi kin iyececa, he winyan wan ieu qa wokpanpi wiyutapi yamni ed inaliman, heced ocowasin napoliyapi. Mazaska maga wan ed nalimanpi kin. Wopeton wicaša inyan telika akite cin. Ho wan, bde kin ed iyohipeyapi.

5. *Wokiconze wowapetokeca kin.*

Nicodemus Itancan eciya; Itancan waonspekiye Wakantanka eciyatanhan u kin henica sdodunyanpi, ecin taku wapetokeca ecanon ece kin tuwena heced econ oikihi šni, Wakantanka kici un šni kinhan. Unkan Jesus nakun eya, Kda po qa taku tona nayahonpi qa wandakapi kin hena John okiyaka po: Išttagongapi kin tonwanpi ece, huštepi kin manipi ece, tona lepros ececapi kin ska wicakagapi ece, tapi kin kinipi ece, qa tona onšikapi kin hena wotanin wašte owicakiyakapi ece.

6. *Wokiconze Yewicašipi kin.*

Waonspewicakiye akenonpa kin hena wicakico, unkan Wahošiyē akenonpapi kakedked ewicakiyapi, Peter, Andrew, James, John, Philip, Bartholomew, Thomas, Matthew, James, Alphens cinhintku kin, Thaddeus, Simon Kananite kin, qa Judas Iskariot. Dena akenonpapi kin Jesus yewicaši, wahokonwicakiye qa heya; Dapi eca yaotanin po, qa Małpiya wokiconze kin wanna kiyena un ce, eya po.

Toktokeca wikcemna šakowin kin.

Unkan taku kin hena iyohakab, Itancan kin toktokeca wikcemna šakowin cajewicayate qa iye otonwe tona ekta yin kte cin qa tokiya kaša ekta yin kte cin, hena kohan ektakta nomnom yewicaši.

7. *Wokiconze Wošna wašte tanka kin.*

Makoce wan Golgotha eciyapi, he wicapahu makoce eyapi kin he kapi, he ekta Jesus ahipi, unkan hed icipaweli okatanpi, oeonna econpi qa tawokoyake kicipamni-pi. Qa wiyaonpapi kin de owapi qa pa iwankam eknakapi; Jesus Juda Wicašayatapi kin he dee. Unkan wihiyaye oape šakpe hetanhan napeiwanka ape cin hehanyan makoce kin owancaya okpaza. Unkan napeiwanka apa behantu ecetu, Jesus howaye ca hotankakiya Eli, Eli, lama sabakthani; Wakantanka mitawa, Wakantanka mitawa tokeca elpemayaya he, eyapi kin he kapi. Unkan Jesus ake hotankakiya hotanin qehan, taniya kin hiyuya.

8. *Wokiconze wakiconzapi kin.*

Wotapi wakan kin. Jesus Christ canicipawega ed wiconte qa wašna wašte tawa kin opeunkitonpi kta e hecon kin, he on wokiksuye owihanke šni wan kaga. Unkan Iye Tancan qa We kin eciyatanhan wakiconzapi wakan wan unqupi ee. Ecin hanhepi wan ed wiyopeyapi qon ed aguyapi icu; qa wopida eye cehan, yu-špušpu, qa waonspewicakiye cin wicaqu, qa heya; Icu po, yuta po, de Mitancan kin ee ce, he niyepi on elipeyapi: Miyeksuyapi kta e deced econ po. Iyeced ake wota ayaštanpi qehan, Wiyatke kin icu; qa Wopida eye cehan, wicaqu qa heya, De etanhan owasin ya-

tkan po; de Wowahokiciye Teca ed Mawe niyepi on paponpi kin ee ce, qu nakun wicota on, woa-litani yutokan iyewicakiciyin kta e; tohan de datkanpi kta eca ed Miksuyapi ece, qa deced econ po.

Baptisma Wakan. Qa nakun Wakiconzapi tokeca wan eknaka, qa Baptisma wicaquunšipi. Ya po, Jesus eya, oyate owasin waonspewicakiya po, qa Ateyapi kin, Cinhintku kin, qa Woniya Wakan kin, Caje kin on baptisma wicaqu po. Tokakije wašte, qa towiconte telike cin, qa wowašake yuha kini, qa wowitan yuha wankan kikde cin, hena sdounyanpi, qa hena Okodakiciye wakan kin ob unki-ksuyapi kta iyounkipipi.

9. *Otokaheya Christ Okodakiciye Wakan tawa kin.*

Jesus Christ Itancan unyanpi kin he wankan iyaye cin iyohakam waonspewicakiye cin hena Jerusalem ekta icicawin kdapi. Qa wankan tipi wanji tin iyayapi qa hed yankapi, Wahošiyē wakan kin owasin tawacin wanjina wocekiye eyapi qa wakidapi, winyan kin hena om, qa Mary Jesus hunku, qa iye hunkawanjinwicaye cin hena koya. Anpetu iwicemna zaptan kin (Pentecost Anpetu) wanna iyehantu, hehan iknuhanna, tate wan wašagya uye cin he iyeced, oqo wan małpiya kin eciyatanhan hiyu, qa tipi okna yankapi kin ocowasiu ojuya. Unkan owasin Woniya Wakan kin on ojupina, qa wicaceji toktokeca on iapi, Woniya Wakan iewicakiye cin he iyeced. He ehan wicaša owotanna Juda wicaša kin hecapi, małpiya ihukuya oyate hiyece cin etanhan Jerusalem ed tipi. Wicaho kin de otanin, unkan wicota ed mnicayapi qa inihanpi, otaiyohi iye iapi kin on, hena ia yukanpi he nakilhonpi kin heon. He ehan Peter wahokonwicakiye qa wicota toie kin wicadapi. Unkan tona oie kin iyuškinyan icupi kin hena baptisma wicaqupi; heced anpetu kin he ed wicanagi koktopawinge yamni ed opapi.

10. *Jerusalem ed Okodakiciye wakan kin.*

Otokabe ekta Jerusalem otonwe kin ed Okodakiciye wakan kin yanka. Omaka akenonpa hehanyan Wahošiyē wakan kin Jerusalem ed oonyanpi. Tona opapi kin ekna woakinica wan yuke, ca heon etanhan wicohān okiyapi kta e Deacon šakowin wicakagapi. Christ opapi kin tokawicayapi kin šicaya wicakuwapi ecee. Qa Stephen, Deacon kin etanhan ktepi. Ktepi kin ob koška wan Saul eciyapi ed najin. Iye tona Jesus opapi kin ohinni šicaya wicakuwa. Tka tohowind Damascus otonwe kin ekta ye qon Jesus Saul akipa, unkan Saul šicaya wicakuwa kin yuhomniqi qa Wahošiyē heca wan kaga. St. James, John sunkaku kin he nakun ktepi, qa St. Peter wokaške tipi kin okna eknakapi, tka Itancan kin taokni-

kde cin uši qa Peter ekdaku. Jerusalemi ed šicaya wicakuwapi kin iyohakab, waonspewicakiya kin enanakiya iyayayapi, St. Peter Samaria qa nakun Caesarea otonwe kin ekta ya, qa hed Cornelius akicita itancan wan heca baptisma qu, qa hetanhan Caesarea otonwe kin ed Okodakiciye wakan icaga. St. James he Jerusalem ed Okodakiciye wakan kin on Bishop kagapi. Antioch otonwe kin ed Barnabas qa Paul (Saul) kici wicohan kin okiyapi.

11. *St. Paul Ikcewicaša ekta yēšipi.*

Unkan Antioch ekta Okodakiciye kin ed wicaša wokcan, waonspekiye ko, wanjikji yukanpi. Hehan Itancan kin cekiyaqi qa wote šni unpi kin icunhan, Woniya Wakan kin heya, Barnabas Saul kici wokicanye iwicaweco kin heon ewicamicikde po, eya. Unkan takuna yute šni wocekiye eyapi qa nape awicaputakapi, heced yewicašipi.

12. *St. Paul Yewicašipi Oicimani tokaheya kin.* Omaka A. D. 45 to 48.

Otonwe tona ekta yapi kin hepa, deepi, Antioch otonwe kin etanhan iyayapi qa Selucia ekta iyohipi, qa hetanhan Cyprus ektakiya watom yapi, ihunnipi hehan ed yankapi qa omniciye tipi Juda oyate tawapi kin okna Wakantanka oie kin oyakapi. Hetanhan Paphos ekta iyohipi. Ded St. Paul wicaša wan Elymas wapiye cin he iyepeya, qa Sergius Palos wicaša ksapa wan baptisma qu. Hehan Paphos etanhan, Pamphilia ed Perga ekta iyohipi. Hehan Perga etanhan Antioch Pisidia ed he ekta hipi, qa hetanhan Iconium ekta hipi. Qa hetanhan Lystra qa Derbe, Lycania otonwe kin, hena ekta hipi. Unkan otoiyohi ed hunkawicayapi kin wicakagapi, na wote šni wocekiye eyapi qehan Itancan wicadapi qon he awanwicakdakapi kta e icewicakiyapi.

13. *Jerusalem ed Omniciye tanka kin.*

Omniciye tanka kin taku on omniciyapi kin he dee: Olan. 15. 1. He ehan wicaša wanjikji Juda makece etanhan Antioch ekta yapi, qa hunkawanjinkiciyapi kin wahokonwicakiyapi, qa Moses toope kin eciyatanhan bawicahdayapi šni kinhan nipi kte šni ce, eyapi. Unkan Paul Barnabas kici hena wicakigepi, qa nina awicakinicapi. Hehan wiwicawangapi kin he on Paul Barnabas kici, qa iyepi kin etanhan wicaša tokeca wanjikji ko, Wahosiyeqi kin, qa hunkawicayapi kin Jerusalem ekta yankapi kin, hena ed wicayapi kta e konzapi. Omniciye tanka kin he ed St. James itancan un. Unkan taku kin de econpi (Olan. 15. 22). Hehan is iyepi kin etanhan wicaša wicakalinigapi kin heca, Judas qa Silas hunkawanjinkiciyapi kin ed wicaša okinihan hena Paul qa Bar-

nabas kici, Antioch ekta yewicašipi kta e, Wahosiyeqi kin, hunkawicayapi kin, Okodakiciye owasin ko iyokipipi; qa heciya ayapi kta e kaked wowapi kagapi: (o. 24). Unkiyepi etanhan wanjikji iyayapi, qa wicoie on nagiyeniyapi, qa bawicahdayapi, qa wicoope kin oyapapi kta ce, eniciyapi ce, nanlonpi; unkiye tohinni heyewicunšipi šni tka. Woniya Wakan heced iyounkipipi, waqinpi tokeca unkaniknakapi kte šni, tka dena taku owotanna kin hecekna-ka; Taku wakagapi wakiyušnapi, qa we, qa taku weye šni yutapi, qa wiinalmnapipi kin hena itehan yeniciyapi kta. Hena itehanyan yaunpi kinhan tanyan ecanonpi kta. Tanyan yaunpi nunwe.

14. *St. Paul Yewicašipi Oicimani inonpa kin.*

St. Paul Barnabas heciya: Tukted Itancan oie kin unkoyake eiqon ake otonwe otoiyohi ekta unye qa hunkawanjin wicunye cin wanwicundake qa, toked unpi kin sdodunyin kta ce, eya. Unkan Barnabas he is John Mark eciyapi, he yuha yapi kta cin. Tka he Pamphilia ekta elipewicaye ca wicohani kin ed owicape šni qon, heon etanhan St. Paul he yuha yapi kte cin he iyokipi šni. Unkan he on kdokinicapi qa eced otoiyohi elipewicayapi; unkan Barnabas Mark yuha Cyprus ekta watom iyaya. Tka Paul Silas kalnige qa, Wakantanka towaonsida kin kici un kta e hunkawanjinkiciyapi kin icekiyaqi qehan, hehan iyaya, qa Syria qa Cilicia opta iyaye qa okodakiciye suta wicakaga. Hehan Derbe qa Lystra ekta iyohi, qa waonspewicakiyapi kin wanji hed un, Timothy eciyapi. Hehan Phrygia qa Galatia makece opta iyayapi, qa Asia ed wicoie kin oyake kte cin Woniya Wakan kin telinda ece. Hehan Mysia ekta hipi, qa hetanhan Bithynia ekta ye wacinpi, tka Woniya kin iyo- wicaki šni. Hehan Troas ekta hipi, hehan Philipi ed hipi unkan otonwe kin he ed winyan wan Lydia eciyapi, iye cante kin Itancan kin yuzamni, on Paul oie kin anagoptan, unkan iye tiyoknaka kin ob baptisma icupi. Philipi otonwe kin ed Paul Silas ko wicakaška tipi kin ed knakapi. Unkan hancokaya hehan, Paul Silas kici Wakantanka cekiyaqi, qa yatan do- wanpi. Unkan maka kin nina cancan, qa tiyopa kin owasin kazamni iyaya ca, on pawicahdayapi kin owasin bdecaban hinkde. Unkan wicakaška tipi awanyagkiyapi kin kiktka, qa tiyopa kin yuzamni han wanyaka, unkan wicakaškapi kin owasin kikdapi kecin, heon mazasagye ekdaku qa on ičikte kta; tka Paul nina boyekiye ca kinunniye šni yo, owasin ded unkanpi ce, eya. Hehan petijanjan wan da qa tid iyaye ca cancanyan Paul Silas kici siha kdepipi kin ed elipeiciya; qa tankan awicaya qa Itancan wani kta e toked ecamon

kta he ewicakiya. Unkan Jesus Christ Itancan kin wacinyan yo, heced nicinea ob yani kta ce eciyapi, qa hehan baptisma qupi, tiyoknaka owasin ko. Hehan Thessalonika ed hipi. Hehan Berea, qa Athens qa Corinth qa Ephesus ed hipi. Hena iyohakab owasin pikiciyapi qa Jerusalem ekta icicawin kdapi.

15. *St. Paul Yewicašipi Oicimani iyanmi kin, omaka A. D. 54.*

St. Paul, Timothy, qa Titus ob, Antioch etanhan yapi qa otonwe kin dena ekta hipi; Galatia qa Phrygia ed otonwe kin, Ephesus, Troas, Philipi, Corinth, Assos, Mitylene, Trogyllium, Miletus, Patara, Tyre, Ptolemais, Caesarea, Jerusalem, hena owasin ekta hipi.

St. Paul Rome otonwe ekta witalata okna ya, omaka A. D. 60. Julius akicita itancan St. Paul Rome ekta ahi, icunhan otonwe kin dena ekta hipi: Caesarea, Sidon, Cyprus, Myra Cnidus, Fair Havens, Phoenix, Clauda, Melita, Syracuse, Puteoli, Appie, Forum, Rome. Rome otonwe kin ed A. D. 67 Eniperor Nero eciyapi, St. Paul, Jesus opa kin on pabaksa.

ABLEZA FO!

Anpao kin:

Mitakola wicaša wanji paha akotanhan hetanin kin iyceel eyanwapaha kte lo. Lakota oyate el lecel wicohan econpi. Wicaša wanji iyotan witkokoke cin heca wicohan yuhewicayapi canna, heon oyate el wicohan šica ota kage lo. Yunkan he wašte hwo. Ateyapi unpi kin hecel wicohan econpi yu- kin. He miyeca Ateyapi manke cin wicaša wašte kin he wicohan yuhewakiyapi kta tka. Na hehan latota oyate el Wicaša wakan ewicakiyapi unpi ca lecel wicohan econpi. Eya wicaša channi hecapi ca wacekiye wicaša wicohan yuhewicakiyapi eša cin tani wicohan qon he šogya wašelakapi canke owacekiye inapiškanyanpi on wicohan yušicapi. He miye ca Wicaša wakan manke cin koškala- ka wan wašte wicohan yuhawaki- gin kta tka. Hehan wicaša eya nahmala ošpaye ičicaga unpi kin wicaša wan na koškala- ka wan wašte wicohan yuha canna wicaša eya nahmala owewakankan okiciya škanpi qon hena eepica can wan- jila yuwegapi kin iyecel otawanjila owewakankanpi canna wicaša naiš koškala- ka eša wicohan yuha qon glušnape lo. Heconpi kin on a- wašelakapi lo na hecel on Ateyapi na Wicaša wakan qon gnayan wi- cakuwape lo. Wan kola ableza po. Anpao napeciyuze lo.

Maka tašla, he miye.

Kolaunyanpi kin taku cajeyate cin eciyatanhan wicaša na winyan unpi kin awacinpi wašte. Na wacekiye wicaša on eye cin he iyotan. Icin wicaša wakan unpi kin koškala- ka wašte na wicohan wakan wicala lice cin heca etanhan škanwicakiyapi kta cinpi tka. To-

han heca ignipi canna cinpi šni, naiš okihipi šni, naiš wiš conala iyowalyapi na owicakihipi šni. Ehan Hanna cinca yuhe cinhan Itancan he qu kta ičiconza, yun- kan yuhe cin ohakab hecon na wi- caša icage cin hetanhan oyate el wicaša tanka heca, Samuel eciyapi kin hee. Tokaš wicaatkuku na wicahunku kin hena tona Okolaki- ciye wakan el woiciconze yuhapi kin he kiksuyapi unkanš Wakan- tanka etkiya wowaši econpi kte cin otapi kta tka, tka kola eye cin ogna kolakiciyapi šice yuke na on wicohan wašte yušice ota. (Kor. 15. 33) he wicake. Anpao.

Anpao kin:

Lehanl iapi conala miyecilao- tanin kta iceciye cin kte lo. Eya April wi kin he el wokakije wanji el mahiyagle, yunkan wicincala wanji micitonpi na wizaptan ihun- ni hehanl wicokuje šica wanji hi- yagle. Yunkan cin oniya qon he wašakešni, yunkan anpetu tukte etu keša iweciyukcan selececa can- na awicakeya takuni wacinwaye šni. Yunkan anpetu iyohila tu- ktel ewatonwe qon he toketu kte tanhan Taku wakan wanji micinkši woniya qu he miciyuhanska nin ecanmi ye lo. Ho yunkan hinše lehanl wocante wašte omajula heon etanhan owaglakini kte lo. Spring Creek, S. D. el St. Andrew oaletka okolakiciye wanji lel in- yanke, yunkan koška wan awacin heca ececapi selececa na tiwahe mi- tawala el wocekiye econpi na mi- cinkši Wakantanka oie etanhan yankapi. Yamni lena wocekiye econpi, na tokaheya wocekiye eca- kiciconpi na akiyagle, yunkan cu- wiokinihan selececa, na inonpa el ake sanpa iwašte, na iyanmi el tanyelci bliheca okiwakalniğa. Ho he mitakuyepi wakanheja mita- wa kin he Taku wakan etan tanyan akisni awableza. Ho mitakuyepi lehan okolakiciye wakan etan taku wašte slolyemakiyapi, heon etan- han iyuškinyan wagluotanin wa- cin, na eya okolakiciye nopin hematanhan opeyakel waun. Ho yunkan lehanl okolakiciye wakan etkiya kitalase piyakese wicohan el iyomičipštakin kta on opimiči- yin kta wowiyukcan bluha, na eya lehanl wicohan kin lecect slolwaye lo, chantanhan najin, yunkan le- aupetu kin el ake piya slolwaye keselececa. Ho eya lel koška tona Wakantanka olataya wowaši econ- pi kin lena taku wašte slolyeiciyapi kta wowaši econpi na taku onšike cin hena slolyapi kta wowaši econ- pi lakaš wanna iyeypapi. Ho yun- kan lehanl hokšila onmašike kin iyemayanpe lo. yunkan cin hecel waonspeiciyapi lakaš hececa. Ho yunkan ikce oyate egnalica wati yunkan wicaša wašte keciya- pi otapi, yunkan tokin tuwa onšike cin hena el ewicatonwanpi šni yo eye lakaš onmašike cin el ematon- wanpi šni, ho eya lel šicaya epe selececa tka ake hecetuwalaka. Ho eya tohani Anpao el wowa- glake šni, ho hecel tokata epin kta tka wicohan wašte on epin kta le- tan tokata taku hececa on homa- tanin kta iteka. Ho hecel eya maka sintomniyan Wakantanka el wowaši ecanonpi qon hena iyuha iteciuywintapila se wicohan wašte owaglake kin heon etanhan. Ho hehanyan epa wacin, heon etanhan tona Anpao kolayayapi qon hena oyasin cantewaštaya napeciyuzape lo. Nitakolapi wanji onšika iyeyapi qon he miye.

Agna inyanke Earnest.